

# **Visoki predstavnik produžio privremenu zabranu raspolaganja državnom imovinom**

Izmjenama i dopunama Zakona BiH, Federacije BiH i Republike Srpske o privremenoj zabrani raspolaganja državnom imovinom, visoki predstavnik Christian Schwarz-Schilling produžio je trajanje privremene zabrane raspolaganja državnom imovinom, prvobitno donesene 18. marta 2005. godine, do 31. maja 2007. godine.

Visoki predstavnik je poduzeo mjere kako bi produžio privremenu zabranu, s obzirom da Komisija za državnu imovinu još uvijek nije izradila neophodni zakon kojim će se regulirati prava i obaveze nad državnom imovinom na svim nivoima vlasti. Dok ovaj zakon ne bude usvojen, neophodno je osigurati da prava vlasništva nad javnom imovinom ne budu narušena eventualnom prodajom prije njegovog usvajanja.

Privremena zabrana sada predviđa i izuzeće za imovinu prenesenu na institucije BiH u svrhu odbrane, u skladu sa procedurama definiranim u Zakonu o odbrani BiH.

Odluka visokog predstavnika će osigurati da se ova imovina prodaje samo u okviru odgovarajućih propisa, te će omogućiti Komisiji za državnu imovinu da uradi svoj dio posla, sigurna da ova imovina neće biti rasprodana. Odluka će također osigurati neometanu implementaciju reforme odbrane.

OHR poziva Komisiju za državnu imovinu da ispuní svoj mandat i izradi potrebni zakon, koji bi relevantne parlamentarne skupštine trebale usvojiti u narednih šest mjeseci.